



UNIVERSITÄTS-
BIBLIOTHEK
PADERBORN

Scholia In Primarias Preces Imperatoris

Chokier, Jean de

Coloniae Agrippinae, 1674

Sectionis IIII. Summarium.

[urn:nbn:de:hbz:466:1-62387](https://nbn-resolving.org/urn:nbn:de:hbz:466:1-62387)

conferri: Verum re diligentius examinata, & discussa, tandem in eam sententiam itū est, teste Ill.^{mo} Card. Seraphino, *decis.* 738. quod dicta clausula sit intelligenda de alijs Precibus, quas eodem tempore quis ad diversas Ecclesias à Cæs. Majestate impetrasset: quod fieri solet, non ut omnia illa beneficia impetranti concedantur, sed ut citius, & certius pluribus concessis eveniat alicujus vacatio; qua eveniente, & subsecuta collatione, omnes aliæ gratiæ cessant, ne præter intentionem concedentis quis plura beneficia consequatur; cui rei per hanc clausulam provisum est, sed non ideò sublatam esse facultatem, iterum alias preces concedendi eidem personæ post prioris gratiæ consumptionem. Neque hæc facultas cuiquam parit præjudicium: non quidem S. Sedi Apost. cum ejus non interfit, cui fiat collatio; Non etiam Ordinarijs Collatoribus, quia semel tantum ratione unius beneficii gravari possunt; Nō Ecclesijs, quia semel quoque quælibet Ecclesia gravari potest: Non Juris dispositioni, ratione pluralitatis beneficiorum, quia data incompatibilitate per assecutionem unius, vacat alterum: & in summa nulla subest ratio, cur eidem personæ non possit Cæs. Majestas hujusmodi Nominationem iteratò concedere. His igitur rationibus consideratis secundum posteriorem intellectum decidit sacrum Rotæ auditorium, in una *Meten. Canonicatus* 14. Martij. 1586. Cui decisioni consonant ea quæ scribit D. VVames, *conf.* 261. n. 1. vol. 1. Et Cassad *decis.* 1. nu. 1. de *concess. præbend.* Quæ Rotæ interpretatio omnino sequenda est, cum sit exploratum, decisiones Rotales maximi apud omnes esse ponderis, & majoris autoritatis, quàm communem doctorum opinionem, Imo. & Barb. in *cap. olim.* Col. 11. ut *lit. contest.* Hieron. Cuchalon. ad Reg. *jura sanguinis.* de Reg. *juris.* Vestrius in *praxi.* lib. 6. cap. 1.

CANONICATVM ET PRÆBENDAM) Pōtifex hic statuit Canonicatum, & præbendam, ac dignitatem, seu Personatum, administrationem vel officiū in una Ecclesia pro unico dumtaxat beneficio computari debere. Rescripta enim Pontificum & privilegia gratiæ in quantum à jure communi recedunt, juris sunt odiosi & restringenda; Ideoq; de ijs necessario hic disponere debuit Pontifex. Io. Baptista Leonel. de *surrept. Rescript.* quest. 13. art. 7. Tiracquel. de *retract.* *Consang.* §. 1. glo 2. n. 180. Fely *cap. Caussam quæ.* de *Rescript.*

Sectionis III. Summarium.

Hic à S. sede datur Executoribus per S. Cæs. Majest. deputatis ad effectum, ut preces & nominationes hujusmodi suum sortiantur effectum, facultas conferendi, & assignandi personis, pro quibus Primarias Preces porrigi seu hujusmodi nominationes fieri contigerit, beneficia &c.

G

præ-

Prædicta, (etiam duo, tria, vel plura quorumcumque qualita-
tis, & cuiuscunque auctoris) cum vacaverint, Quod ex-
tenditur Primò: in quibusvis etiam ordinariis per litteras alter-
nativas aliaque privilegia & Indulta quomodolibet concessis,
& in posterum concedendis mensibus. 2. Etiam si dispositioni A-
postolicæ, alias quam per constitutionem ad Regimen genera-
liter reservata existant. 3. Etiam si ex diversis personis vacaverint
& personæ sic nominatæ tempore assentionis beneficii ad quod
nominatæ fuerint, aliud beneficium in eadem Ecclesia obtine-
ant, & secundum statuta, & consuetudines Ecclesiarum, in qui-
bus huiusmodi beneficia constituta fuerint, capaces videlicet in
ætate legitima cõstitutæ, aut de legitimo matrimonio procrea-
tæ non sint. Quod restringitur primo: Dummodo quoad eius-
modi qualitates, alias cum eis canonicè dispensarum sit. Secun-
do: Et beneficia in eadem Ecclesia obrinenda talia sint, quæ sine
dispensatione Apostolica in simul obtineri possint, aut consue-
verint. Terrio: Dummodo dictorum beneficiorum collatio nõ
fuerit iuxta Lateranens. statuta Concilij ad Sedem Apostolicam
legitimè devoluta. Quarto: Nec super illis inter aliquos lis pen-
deat indecisa. Quinto Dummodo dictæ personæ infra mensem
postquam vacatio huiusmodi beneficiorum ipsis innotuerit e-
adem beneficia acceptaverint, seu duxerint acceptanda. Deniq;
datur potestas personis sic nominatis, quod ipsæ expectatis, &
nominationibus, seu gratis specialium reservationum, aut mæn-
datis de providendo, si quæ ipsis concessa sint, una cum gratia
dictarum Precum & Nominationum uti possint, nec aliqua gra-
tiarum huiusmodi consumpta, reliquæ earundem cassæ cen-
sentur vel irritæ.

Sectio III.



Quodque a quicumque in quibusvis dignitatibus constituti,
seu Ecclesiarum Cathedralium Canonici, singuli videlicet in
illis quos pro singulis personis prædictis Precum, & Nomina-
tionum huiusmodi, & ad hoc ut ille sortiantur effectum etiã
præsentium executores deputaveris, per se vel alium, seu alios
bea